

U KÓON TS'IBIL TI'AL U XOOKIL X-MA' TALAMIL LE JETS' T'AAN JDC-032/2022 YÉETEL LE MUUCH'ULO'OBO'.

U Molayiltribunal Electoral tu Lu'umil Yucatané' ts'a'ok u jet'st'antik:

- 1. U Noj A'alma'j T'aanil u Noj Lu'umil Mexicoé' ku jets'ik jumpuul ti' u Molayil H. Congreso tu Lu'umil Yucatané' ka u chiimpalt yéetel ka u meyojt u a'alma'j t'aanil yo'olal u páajtalilo'ob ichil política máasewáal kaajo'ob ti'al u yéeyiko'ob máaxo'ob kun antal tu k'aaba'ob tu táan ayuntamiento'ob.*
- 2. Jeejelas u kajnáalilo'ob u Maaya kaajil wa jayp'éel u méek'tankaajilo'ob Yucatané', tu ya'olajo'ob tu táan le Tribunalá' le u Molayil H. Congreso tu Lu'umil Yucatané' ma' u beet a'alma'j t'aano'ob ka béeykunta'ak ti'ob u yéeyiko'ob máaxo'ob kun antal tu k'aaba'aob tu táan ayuntamiento'ob.*
- 3. U magistradailo'ob yéetel u Magistradail le Tribunal Electoralá' t-xak'altaj le u k'áat chi' le máako'oba' yéetel ka'a t-ilaje' jaaj u t'aano'ob yéetele' u Maaya kaajil u méek'tankaajilo'ob Yucatané' yann u páajtalil ti'ob u yéeyiko'ob je'el bix suuk ti'obe' le máaxo'ob kun antal tu k'aaba'aob tu táan ayuntamiento'obo'.*
- 4. Yo'olal le ba'al je'elo' a'alab jumpuul ti' u Molayil H. Congreso tu Lu'umil Yucatané' ka u beet le a'alma'j t'aano'ob ka'a u béeykunt ti' Maaya kaajo'obe' u béeykuntiko'ob u páajtalilo'ob ichil política ti'al u yéeyiko'ob máaxo'ob kun antal tu k'aaba'ob tu táan ayuntamiento'ob.*
- 5. Beey xan a'alab jumpuul ti' u Molayil le H. Congreso' ka'alikil ma' u beet le a'alma'j t'aano'oba', ka'a u k'áat chi'it ti' maaya kaajo'obe' ba'ax ku tukultiko'ob yo'olal.*
- 6. Ti'al le k'áat chi'a' u Molayil le H. Congreso' yaan u yilike' le je'elo' ka'a beeta'ak ichil u nu'ukanil u miatsil, ka ts'a'abak u yojétej yéetel ichil ma'alob tuukulil.*